

TLHAKISETSO - MOEDI WA HO FAELA LE MATSATSI

Pretoria, Labone la 6 Phuptjane 2019 – Ditshebeletso tsa Lekgetho tsa Afrika Borwa (SARS) di hlokometse hore motjha bakeng sa balefalekgetho bao ka mohlomong ba sa tlo hloka ho faela dikgutliso tsa lekgetho la lekeno di ka be di sa utlwisiseha hantle.

Hantlente sehla sa lekgetho se mabapi le sena

- Sehla sa Lekgetho se mabapi le ho faelwa ha kgutliso ya lekgetho la lekeno ho netefatsa hore merero ya lekgetho ya molefalekgetho ka mong e motjheng.
- Bongata ba balefalekgetho ba fumanang moputso ba se ba lefile lekgetho ka tsela ya Lekgetho la Lefa ha o ntse o fumana moputso (PAYE) le hulwang moputsong wa bona ke mongamosebetsi ya fetisetsang kgulo ena ya lekgetho ho SARS.
- Ebang balefalekgetho ba jwalo ba hloka ho faela kgutliso, jwalo ka bao ba fumanang moputso o ka hodimo ho R500 000 ka selemo, ka kakaretso ho lebelletswe hore ba tiisetse SARS seo e seng e se tseba ka lekeno le boemo ba bona ba ditjhelete.
- Le ha ho le jwalo balefalekgetho ba bang bao ka mohlomong ba fumanang moputso o ka tlase ho moedi wa ho faela, ba hloka ho faela kgutliso hobane ba lokela ho tsebahatsa mehlodi e meng ya lekeno, e kang lekeno la rente kapa lekeno la kgwebo, kapa ho tseka dikgulo tsa lekgetho tse kang tsa ditshenyehelo tsa kalafo tse sa kang tsa leshwa ke dikema tsa bona tsa kalafo, dikabelo tsa dipholisi tsa peho ya meja fatshe mmoho le ditshenyehelo tsa maeto.
- Ka morao ho moo SARS tsepamisa dibuka tsa ditjhelete ho latela se lefilweng ke mongamosebetsi le se tsebahaditsweng ke molefalekgetho kgutlisong ya hae ya lekgetho la lekeno.
- Ka mora tsepamisao ena, hlahlobo kapa tshebetso ya palo ya lekgetho e ka qetella e bakile hore molefalekgetho a hloke ho lefa lekgetho la tlatsetso ho SARS, kapa a fumane pusetso kapa ho se etsahale letho la tsena tse pedi, ke hore molefalekgetho le SARS ka bobedi ba ka fumana ba sa kolotane letho.
- Sehla sa Lekgetho ha se mabapi le dipusetso mme ho faela lekgetho ha ho bolele hore o na le tiisetso ya hore o tla fumana pusetso.

Moedi wa R500 000 le motjha bakeng sa bao ba sa hlokeng ho faela

- Ka moedi ho bolelwa bao **ba sa hlokeng** ho faela kgutliso ya lekgetho, ha ho bolelwe hore ke mang **ya sa tlamehang** ho lefa.
- Moedi wa ho faela ha o tshwane le moedi wa ho lefa lekgetho kapa wa ho hulelwa Lekgetho la Lefa ha o ntse o fumana moputso (PAYE). (O se o lefile lekgetho ka tsela ya PAYE e hutsweng moputsong wa hao ebang o fumana moputso o fetang R79, 000 ka selemo bakeng sa bao ba ka tlase ho dilemo tse 65 ka selemo sa lekgetho sa 2020).
- Moedi wa R500 000 ha se yona pehelo e le nngwe feela. Dipehelo tsohle tse latelang le tsona di lokela ho ba teng pele o ka ipolella hore wena ha o hloke ho faela kgutliso ya lekgetho:

- Moputso wa hao o leshwa ho tswa ho mongamosebetsi a le mong kapa mohlodi o le mong (ebang o fetotse mesebetsi selemong sa lekgetho, kapa ebang o na le mongamosebetsi ya fetang bonngwe kapa lekeno, o tlameha ho faela).
- Ha o na alawense ya koloi kapa ya maeto, molemo wa koloi ya khampani, eo e nkuwang e le moputso wa tlatsetso.
- Ha o na mofuta ofe kapa ofe o mong wa lekeno o kang tswala, lekeno la rente kapa tjhelete ya tlatsetso e tswang kgwebong e ka thoko e kang ya ho rekisa Tupperware kapa dihlahiswa tse bakilweng.
- Lekgetho la Mosebetsi (ke hore PAYE) le hutswe kapa le kginne.

Ditshebetso tsa palo ya lekgetho tsa SARS

SARS e tla sebetsa palo ya lekgetho ya balefalekgetho bao ho sa hlokeheng hore ba faele ka tsela eo ekang ba feela ba ile ba faela. Sena se tla neha balefalekgetho tiisetso e ngotsweng ya hore ditaba tsa bona tsa lekgetho di eme hantle le SARS.

Matsatsi a ho faela Lekgetho

- eFiling e bulwa ka la 01 Phupu mme e kwalwe ka la 04 Tshitwe 2019.
- Ho faela makaleng ho bulwa ka la 01 Phato mme ho kwalwe ka la 31 Mphalane 2019.
- Balefalekgetho ba nakwana ba na le ho fihlela ka la 31 Pherekong 2020 ho faela dikgutliso tsa bona tsa lekgetho ka eFiling.

Diwekshopo tsa Thuto mabapi le Lekgetho

Lenane le felletseng la diwekshopo tsa lekgetho makaleng a rona le fumaneha websaeteng ya SARS ho [Learn about Tax](#).

Diyuniti tsa lekgetho tse tsamayang

Diyuniti tsa lekgetho tse tsamayang di tshwana feela le makala a tsamayang ho ya dibakeng tse hole. Ho boha lenane la matsatsi mmoho le mabatowa ao diyuniti tsena tse tsamayang tsa lekgetho di tlang ho ya ho ona, [tobetsa mona](#).